

MITASA

BIL. 2 / 2009



- Simposium Ke Arah Memperkasakan Akademik Malaysia
- Perjumpaan Dengan Menteri Pengajian Tinggi
- Lawatan Ke UiTM Terengganu

PERJUMPAAN DENGAN MENTERI PENGAJIAN TINGGI PADA 23 OKTOBER 2008

MITASA telah mengadakan perjumpaan dan perbincangan secara langsung dengan Menteri Pengajian Tinggi yang baru, Dato Seri Khalid Nordin pada 23 Oktober 2008 bertempat di Bilik Mesyuarat Utama, Kementerian Pengajian Tinggi Malaysia (KPTM), Putrajaya. Pertemuan tersebut turut disertai Timbalan Ketua Pengarah KPTM dan lain-lain pegawai kanan. Pertemuan tersebut khusus untuk membincangkan mengenai isu-isu untuk menambah baik skim pensyarah yang sedia ada. Antara isu yang dibincangkan adalah:

1. Memudahkan kenaikan pangkat pensyarah dan perantikan pensyarah yang mempunyai PhD terus ke Gred DM52.
2. Permohonan time-based promotion untuk pensyarah-pensyarah UiTM yang pernah diamalkan semasa dalam taraf ITM dahulu.
3. Kenaikan Imbuan Tetap Keraian (ITK) RM500.00 kepada pensyarah Gred DM45.



Sesi mesyuarat bersama Menteri.



Bergambar kenangan bersama Menteri.

4. Permohonan satu anjakan gaji kerana penukaran taraf ITM kepada UiTM untuk warga UiTM.
5. Penilaian terhadap syarat-syarat penilaian kenaikan pangkat antara universiti berteras pengajaran (teaching university) dan universiti berteraskan penyelidikan (research university).
6. Kedudukan pensyarah yang telah bersara kemudian disambung perkhidmatan sebagai pensyarah kontrak.

Pertemuan ini juga adalah sebagai kunjungan hormat Kesatuan Kakitangan Akademik UiTM terhadap perantikan Dato Seri Khalid Nordin sebagai Menteri Pengajian Tinggi Malaysia yang baru. Pertemuan dan perbincangan berjalan dalam suasana yang harmoni. MITASA berharap dapat menjalin hubungan yang erat dengan KPTM dari semasa ke semasa demi memertabatkan kecemerlangan akademik yang berterusan di UiTM.

PERJUMPAAN DENGAN AHLI DI UiTM KELANTAN PADA 17 FEBRUARI 2008

MITASA telah mengadakan lawatan dan perjumpaan dengan ahli-ahli di UiTM Kelantan. Terima kasih kepada Haji Fauzi, wakil MITASA yang telah menguruskan aktiviti ini sehingga terhasilnya perjumpaan dengan semua kakitangan akademik di UiTM Kelantan.



Wakil Kelantan bersama EXCO.

SIMPOSIUM KE ARAH MEMPERKASAKAN AKADEMIK MALAYSIA

Simposium anjuran Kementerian Pengajian Tinggi dengan kerjasama kesatuan dan persatuan akademik universiti-universiti awam Malaysia telah diadakan di Pan Pacific pada 12 Februari 2008. Beberapa orang wakil MITASA turut menyertai simposium tersebut. Simposium ini telah dirasmikan oleh Menteri Pengajian Tinggi, Dato Mustafa Mohammad. YBhg Dato Seri Ibrahim Abu Shah, Naib Canselor UiTM turut menghadiri simposium tersebut.

Simposium sehari ini bertujuan mendapatkan input-input penting bagi penambahbaikan bidang kerjaya ahli-ahli akademik, dan meningkatkan kecemerlangan pendidikan di institusi-institusi pengajian tinggi awam Malaysia. Beberapa kertas kerja telah dibentangkan di dalam simposium ini. Antaranya bertajuk Autonomi Universiti Awam, Memperkasa Pendidikan Malaysia dan sebagainya lagi.

PERJUMPAAN DENGAN DEKAN FAKULTI TEKNOLOGI KREATIF & ARTISTIC

MITASA telah mengadakan pertemuan dengan Prof. Dr Hatta Azad Khan, Dekan TEKKA pada 8 Januari 2009. Pertemuan tersebut adalah bagi membincangkan beberapa isu yang dibangkitkan oleh ahli MITASA.



Sesi perbincangan bersama Dekan TEKKA.



EXCO di Simposium Akademik Malaysia.